



**Antonii Mvsae Brasavoli Medici Ferrariensis Examen
omnium Trochiscorum Vnguentorum, Ceratorum,
Emplastrorum, Cataplasmatumque, & Collyriorum**

Brasavola, Antonio Musa

Venetiis, MDLI

Diachylon album, Diachylon nigrum. .10.

[urn:nbn:de:hbz:466:1-70720](https://nbn-resolving.org/urn:nbn:de:hbz:466:1-70720)

ANT. MVSAE. BRASA.

dolore aliquo affliguntur, & ad duros abscessus in quacumque corporis fuerint parte, nam remollit & dissoluit, ita uero confici debet: galbanum & ammoniacum aliquantulum tusa in sufficienti quantitate aceti per noctem infundantur, & mane ad ignem suspendantur, & eliquentur, postea colentur, deinde iterum coquantur, donec aceti pars consumetur, tunc nualis pix addatur, quæ liquæfacta cera addatur, quæ etiam liquæfacta addatur colophonia, deinde terebenthina, & interposito interuallo, mastiche, et olibanum, et myrrha addatur, spatula semper commiscendo, denique cum probè coctum fuerit, in aquam frigidam infundatur, postea extrahatur manibus exprimendo, ut aqua exeat, inde super marmor oleo laurino inunctum cum puluere croci bene pinsatur, & in massa conformetur, quæ reseruentur ad usus. SE. Ego semper ita conficio. BRAS. Vñ notato, simplicia secunda ab aliquibus poni ad pondus unius uncie & semis, ut tu posuisti, ab alijs ad pondus uncie unius & drachmarum trium: at hæc non est magna differentia, tu semper morè tuum seruato. SE. Fieri ne potest, ut omnes ita conficiant oxycroceum? BRAS. Ita profecto est.

SENE X.

X.

Ergo ad diaquilonem album cõtemplandum accedamus. BRAS. à quo authore accipis eiusmodi ceratum? SE. A Mesue. BRAS. Et Mesue illud uocat emplastrum, & de mucilagibus etiam emplastrum uocatur, at modum quo illud conficis refer-

CERATORVM EXAMEN

to. SE. Hic est modus.

Recipe Mucilagis Althææ, |
Fœnu greci | } Singulorum unc. iij.
Seminum lini, | }

Olei ueteris lib. iij.
Lithargyrii auri lib. iij.
Cerae albæ unc. vi.
Terebenthinæ unc. iij.

Mucilagines & oleum unâ bulliant ad consumptionem mucilaginum, deinde lithargyrium & oleum simul bulliant igne lento, ad perfectam usq; cocturam: de- niq; ceram adde & terebenthinam, & cum refrigeratum fuerit, adde pulueris iridis drachmas duas, & cō- misce. BRAS. Mesue uidetur sub alio ponderis ordine conficere, & sub alio etiam conficiendi mo- do. SE. Quonam? BRAS. Isto.

Recipe mucilaginis fœnu græci, |
Seminum lini, | } Sing. partē unam.
Radicum althææ, | }

Lithargyrii preparati, partem unā. 5.
Olei antiqui clari, partes. iij.

Ita uero conficiatur, lithargyrium & oleū sint mista, diu in lapideo mortario, ferreo pistillo conquassentur,

E ij

ANT. MVSAE BRASA.

Et in hac concussione diu laboret, tum deinde bulliat super ignem cum facilitate, sportula semper agitando, quousque lithargyrium coaguletur, tunc ab igne deponatur, paulatimque in frigidari sinatur, postea mucilagines accipiantur, et bulliant ebullitione aliqua, deinde iniice mucilagines supra lithargyrium semper concutiendo, donec egregie simul misceantur, tunc iterum coquatur, donec inspissentur, inquit Hamech: felicissimum erit opus eius, si cum eo puluis iridis tritum misceatur, mirabilis est iuuamenti ad resoluendum, et maturandum fortiora. si autem meliloti mucilagines et proprie ipsius seminis addideris, tunc erit eius operatio uehementior, et sunt qui pro communi oleo, irinum oleum, et chamæmelinum accipiant, et erit in cunctis nobilior. ita conficit Mesue, neque terebintham apponit neque ceram. SE. unde deduxit hoc nomen diaquilon? BRAS. Diachylon dici debet, ac si diceretur de succis, quia compositio est ex succis, hoc est mucilagibus facta. SE. quibus confert assectibus? BRAS. Lienis duritiei confert, iecoris uentriculi, et in summa ad omnes duros abscessus conuenit, et ad strumas, nullum est pharmacopolium in quo non inueniatur, tamen omnes ceram addunt et terebintham. SE. Absque his uideretur unguentum.

BRAS. At si memoria habes quæ superius dicta sunt de unguentis, unguentum uere dici non potest, licet Auicenna ipsum inter unguenta numeret. SE. Auicenna ergo de hoc egit? BRAS. De ipso in quinto canonone mentionem facit, tractatu undecimo, ubi de un-

CERATORVM EXAMEN

guentis tractat, & emplastris, & inquit ad nodos
& strumas conferre, & ad abscessus duros, cuius
permistio hæc est.

Recipe foenū græci,
Seminū lini,
Althææ albæ,



Singul. chelesati. i.

Infundatur unūquodq; horum per se die & nocte, dein
de accipiatur de uniuscuiusq; mucore siue mucilagine
lib. i. & quarta


Lithargyrij, lib. i. 5.

Olei, lib. ij.

Bulliant mucilagine ebullitione una, deinde auferan-
tur ab igne, & postea bulliat oleum cum lithargyrio,
donec coaguletur, & eius color alteretur: deinde
proijciatur supra ipsum mucilagine, una post aliā,
& igne lento coagulentur. S E. Est totum in pōdere
differētia. B R A S. Sed neq; magna, Serapio &
ipse eandem ferē habet descriptionem, tractatu septi-
mo, capite. 38. uocatq; cōpositionem hanc unguentum
de mucilaginibus, & ita conficit.

XI

Recipe mucilaginis foenu græci,
Seminis lini,
Althææ,



Singul. lib. 5.

Decoquantur donec inspissentur, deinde accipiatur li-

E ij